

SUV XO‘JALIGI FOYDALANUVCHI TASHKILOTLARI HAMDA
SANOAT VA ENERGETIKA KORXONALARI O‘RTASIDAGI TUZILADIGAN
TEXNIK SUV YETKAZIB BERISH TO‘G‘RISIDA SHARTNOMA

Shartnoma tuzilgan sana

Shartnoma raqami - Shartnoma tuzilgan joy
son

Ushbu shartnoma “Suv yetkazib beruvchi” taraf (tashkilot) nomi irrigatsiya tizimi (magistral kanali) boshqarmasi nomidan boshqarma “Suv yetkazib beruvchi” taraf nomidan ish olib boruvchi shaxsning lavozimi va F.I.O.si (keyingi o‘rinlarda – “Suv yetkazib beruvchi”) boshqarmaning amaldagi Nizomiga asosan bir tomondan, va “Suv iste’molchi” taraf (tashkilot)ning nomi korxonasi nomidan uning rahbari “Suv iste’molchi” taraf nomidan ish olib boruvchi shaxsning lavozimi va F.I.O.si (keyingi o‘rinlarda – “Suv iste’molchisi”) ikkinchi tomondan o‘zaro texnik suv yetkazib berish bo‘yicha tuzildi.

I. UMUMIY QOIDALAR

1.1. Taraflar texnik suv yetkazib berishda O‘zbekiston Respublikasining “Suv va suvdan foydalanish to‘g‘risida”gi Qonuni, O‘zbekiston Respublikasi Prezidentining 2018-yil 17-apreldagi “O‘zbekiston Respublikasi Suv xo‘jaligi vazirligi faoliyatini tashkil etish chora-tadbirlari to‘g‘risida”gi PQ-3672-sonli, 2021-yil 6-apreldagi “O‘zbekiston Respublikasi Suv xo‘jaligi vazirligi faoliyatini yanada takomillashtirish chora-tadbirlari to‘g‘risida”gi PQ-5055-sonli qarorlari, Vazirlar Mahkamasining 2013-yil 19-martdagi “O‘zbekiston Respublikasida suvdan foydalanish va suv iste’moli to‘g‘risidagi Nizomini tasdiqlash haqida”gi 82-sonli, 2021-yil 17-sentyabrdagi “O‘zbekiston Respublikasi Suv xo‘jaligi vazirligi faoliyatiga doir ayrim qonunchilik hujjatlarini takomillashtirish to‘g‘risida”gi 573-sonli hamda 2018-yil 12-dekabrda “Suv xo‘jaligi tashkilotlari tomonidan sanoat va energetika tashkilotlariga texnik suv yetkazib berish bo‘yicha ko‘rsatilgan xizmatlar uchun haq to‘lash tartibi to‘g‘risidagi nizomni tasdiqlash haqida”gi 1008-sonli qarorlari talablariga qat’iy rioya qiladilar.

1.2. Irrigatsiya tizimida suv berish tartibi tizimning quyi qismidan boshlab, Suv iste’molchilarning talabnomasiga asosan o‘rnatiladi.

1.3. “**Suv yetkazib beruvchi**” mazkur shartnomaning ilovasida belgilangan miqdor va muddatlarda suvni “**Suv iste’molchisi**”ga yetkazib berishni, “**Suv iste’molchisi**” esa ushbu shartnoma shartlariga rioya etish majburiyatini o‘z zimmasiga oladi.

1.4. “**Suv iste’molchisi**”ga suv beriladigan joylar suvni boshqarish (darvoza) va uni o‘lchash (gidropost) vositalari bilan jihozlangan bo‘lishi, ular esa ta’mirlangan, pasportlari o‘rnatilgan tartibda rasmiylashtirilgan, kimning tasarrufida bo‘lsa shu suv xo‘jaligi tashkiloti tomonidan ro‘yxatdan o‘tkazilgan hamda gidropostlar attestatsiyadan o‘tkazilgan bo‘lishi zarur.

II. SHARTNOMA PREDMETI

2.1. “**Suv yetkazib beruvchi**” tomonidan “**Suv iste’molchisi**”ga yetkazib beriladigan suvning miqdori, manbasi va muddatlari mazkur shartnomaning 1-ilovasida keltiriladi.

2.2. “**Suv iste’molchi**”si tomonidan “**Suv yetkazib beruvchi**”ga to‘lanadigan to‘lovlar miqdori va muddatlari mazkur shartnomaning 2-ilovasida keltiriladi.

III. TARAFLARNING HUQUQ VA MAJBURIYATLARI

3.1. “Suv yetkazib beruvchi”ning huquqlari:

“**Suv iste’molchisi**” bilan tuzilgan qo‘shimcha kelishuvga asosan suv olish limitlariga o‘zgartirishlar kiritish (manbalarning suvliligi kamaygan hollar bundan mustasno);

manbalarda suv hajmi kamaygan yoki ko'paygan holatlarda suv olish limitlariga, yuqori turuvchi tashkilotning ruxsati bilan, suvdan foydalanish yoki suvni iste'mol qilish rejasining parametrlari o'zgartirilmasdan, tegishli o'zgartirishlar kiritilishi mumkin;

3.2. "Suv yetkazib beruvchi"ning majburiyatlari:

"Suv iste'molchisi"ga ushbu shartnomaning ilovasiga asosan tasdiqlangan suv iste'moli rejasiga ko'ra ajratilgan suv olish limiti miqdorida o'z vaqtida suv yetkazib berishni ta'minlaydi;

limit bo'yicha suvni ro'yxatga olingan quyidagi manbalardan ajratishni (berishni) amalga oshiradi:

tabiiy manbalar bo'yicha Ushbu shartnomaga ko'ra tabiiy manbalar bo'yicha ajratiladigan suv olish limiti miqdori

(suv olinadigan jilg'a, daryo, soy va boshqalar hamda yer osti suvi manbasi nomlari, suv berish inshootlari nomlari, ularning joylashgan joyi, suv olish uchun o'rnatilgan nasoslar nomi)

sun'iy manbalar bo'yicha Ushbu shartnomaga ko'ra sun'iy manbalar bo'yicha ajratiladigan suv olish limiti miqdori

(suv olinadigan ochiq va yopiq kanallar, kollektor-drenaj tarmoqlari, suv omborlari, sel suvlari to'planadigan joylar, hovuzlar va boshqalar nomlari, suv berish inshootlari nomlari, ularning joylashgan joyi, nasoslar nomi)

"Suv iste'molchisi"ning suv olish joylaridagi suv inshootlarini suvni o'lchash vositalari bilan jihozlaydi va ularni belgilangan tartibda attestatsiyadan o'tkazilishini ta'minlaydi;

manbada suv kamaygan yoki ko'paygan hollarda, yengib bo'lmaydigan kuch holatlari (fors-major) yuz berganda hamda yuqori turuvchi suv xo'jaligi ekspluatatsiya tashkiloti tomonidan limitlarga o'zgartirishlar kiritilganda "Suv iste'molchisi"ni yozma ravishda (avariya holatlarida – telefon orqali) xabardor qiladi;

manbada suv kamaygan taqdirda suvdan navbatlab foydalanish va suvni iqtisod qilish bo'yicha boshqa chora-tadbirlarni ko'radi;

har kuni **soat 7:00 va 19:00larda** "Suv iste'molchisi"ning vakolatli shaxsi bilan suv beriladigan joylarda suvning hisobini yuritadi hamda **har o'n kunda** o'zaro dalolatnoma rasmiylashtiradi.

"Suv iste'molchisi"ga berilgan suv resurslaridan gidrografiya prinsipiga yoki suv resurslarini oqilona boshqarish va ulardan oqilona foydalanishni ta'minlaydigan boshqa shartlarga asosan hamda sug'orish tarmoqlaridan samarali foydalanish bo'yicha takliflar beradi.

"Suv yetkazib beruvchi" qonunchilik hujjatlari va ushbu shartnomaga muvofiq boshqa majburiyatlarni ham bajaradi.

3.3. "Suv iste'molchisi"ning huquqlari:

tasdiqlangan suvdan foydalanish rejasi asosida "Suv yetkazib beruvchi"dan suv berishni talab qilish;

suv olishga zarurat bo'lmaganda yoki suv olishga tayyor bo'lmaganda suv olishdan voz kechish yoki uni "Suv yetkazib beruvchi" bilan kelishgan holda boshqa muddatga ko'chirish;

"Suv yetkazib beruvchi"dan suv olish joylarida o'rnatilgan suv o'lchash vositalarining (gidropostlarning) attestatsiyadan o'tkazilganligi to'g'risidagi hujjatlarni talab qilish, vositalarning ishlashiga shubha paydo bo'lganda "Suv yetkazib beruvchi"dan navbatdan tashqari qo'shimcha o'lchov o'tkazilishini talab qilish va ushbu o'lchov jarayoniga, haqqoniylikni ta'minlash maqsadida, boshqa mutaxassislarni jalb etish;

"Suv yetkazib beruvchi"dan manba bo'yicha suv xo'jaligi holati va ta'minot darajasi to'g'risidagi axborotlarni olish;

manbadagi suv resurslaridan samarali foydalanish to'g'risida takliflar kiritish;

berilayotgan suvning miqdori va sifatini tekshirish;

suv resurslarini boshqarishga oid qarorlar qabul qilinishida ishtirok etish;

manbaning taxmin qilingan va haqiqiy suvliligidan kelib chiqqan holda, suv olish limitlarini o'zgartirish bo'yicha takliflar kiritish;

o'z huquqlari va qonuniy manfaatlarining buzilishi, shu jumladan belgilangan suv olish limitlari va suv berish rejimiga muvofiq suv olish huquqining buzilishi tufayli yetkazilgan zararining o'zni qonunchilik hujjatlarida belgilangan tartibda qoplanishini talab qilish.

"Suv iste'molchisi" qonunchilik hujjatlariga va ushbu shartnomaga muvofiq boshqa huquqlarga ham ega bo'lishi mumkin.

3.4. “Suv iste’molchisi”ning majburiyatlari:

ajratilgan suv limitidan suvdan foydalanish rejasida belgilangan maqsadlarda samarali foydalanishni, ekin maydonlaridan va sug’orish tarmoqlaridan suvni behuda tashlab yuborishga yo’l qo’ymaslikni ta’minlaydi;

suv obyektlaridan, ular qanday maqsadlar uchun foydalanishga berilgan bo’lsa, faqat shu maqsadlarda foydalanadi;

suv bilan ta’minlash bo’yicha xizmat ko’rsatadigan hududida joylashgan suv iste’molchilarining me’yor bo’yicha suvdan foydalanish rejalarini ishlab chiqadi;

“Suv yetkazib beruvchi” tomonidan o’ziga ajratilgan suv limiti doirasida suv bilan ta’minlash bo’yicha xizmat ko’rsatadigan hududidagi suv iste’molchilariga suv limitlarini belgilaydi;

suv iste’molchilariga suv yetkazib berishda foydalaniladigan sug’orish tarmoqlari va boshqa suv obyektlari, ulardagi suv taqsimlash inshootlari, suv o’lchash vositalaridan ehtiyotkorona va oqilona foydalanadi hamda ularni o’z vaqtida ta’mirlaydi;

“Suv yetkazib beruvchi”dan suv olish uchun, tasdiqlangan suvdan foydalanish rejasiga asosan o’n kun oldin yozma talabnoma rasmiylashtirib, **“Suv yetkazib beruvchi”**ga taqdim etib boradi;

har kuni **soat 7:00 va 19:00larda** **“Suv yetkazib beruvchi”**ning vakolatli mutaxassisi bilan kundalik suvning hisobini yuritib, suvdan qanday maqsadlarda foydalanilayotganligi to’g’risida **“Suv yetkazib beruvchi”**ga ma’lumot taqdim etib boradi hamda har 10 kunda o’zaro dalolatnoma tuzadi;

olingan suvni iqtisod qiluvchi ilg’or tajribalarni va texnologiyalarni joriy qilish ishlarini kengaytiradi, suvning samaradorligini oshirish choralarini ko’rib boradi;

yengib bo’lmaydigan kuch holatlari (fors-major) yuz berganda, **“Suv yetkazib beruvchi”**ning so’rovi bilan bunday holatlarning oqibatlarini bartaraf etishda texnika va ishchi kuchi bilan ishtirok etishni tashkil etadi;

“Suv iste’molchisi” qonunchilik hujjatlari va ushbu shartnomaga muvofiq boshqa majburiyatlarni ham bajaradi.

IV. SHARTNOMA BAJARILISHI

4.1. Suv obyektlaridan suv olish faqat **“Suv iste’molchisi”**ning yozma buyurtmanomalari bo’yicha uning suvdan foydalanish va suv iste’moliga tayyorligiga ko’ra, suvdan foydalanish va suv iste’moli rejasi asosida, belgilangan suv olish limiti doirasida amalga oshiriladi.

4.2. Suv resurslarini olish yuzasidan buyurtmanomalar **“Suv iste’molchisi”** tomonidan **“Suv yetkazib beruvchi”**ga, suv olish boshlanishidan o’n kun oldin belgilangan shaklda, suv olishning aniq joylari va muddatlari (suv olishning boshlanishi va tugashi), shuningdek, olinadigan suv miqdori, undan foydalanish yoki uni iste’mol qilishning maqsadi ko’rsatilgan holda beriladi.

4.3. Suv manбайдan suv olish uchun, buyurtmanomada ko’rsatilgan suv resurslari miqdori tasdiqlangan suv olish limitidan va hisob-kitob me’yoridan ortiq bo’lmasligi kerak.

4.4. Suv resurslarini olish hajmini kamaytirish yoki to’xtatish zarur bo’lgan taqdirda, **“Suv iste’molchisi”** bu to’g’rida **“Suv yetkazib beruvchi”**ga yozma ravishda (avariya holatlarida – telefon orqali) xabar qilishi kerak.

4.5. **“Suv iste’molchisi”**ga suv beriladigan joylar suvni boshqarish (darvoza) va uni o’lchash (gidropost) inshootlari bilan jihozlangan, ular esa ta’mirlangan, pasportlari o’rnatilgan tartibda rasmiylashtirilgan, kimning tasarrufida bo’lsa, shu suv xo’jaligi tashkiloti tomonidan ro’yxatdan o’tkazilgan, gidropostlar attestatsiyadan o’tkazilgan bo’lishi kerak.

4.6. Suvning hisobi **“Suv yetkazib beruvchi”** hamda **“Suv iste’molchisi”**ning vakolatli mutaxassislari tomonidan olib boriladi.

4.7. **“Suv iste’molchisi”** har oy davomida yetkazib berilgan texnik suv uchun to’lovlarni keyingi oyning 5-sanasiga qadar suv xo’jaligi tashkilotlarining Byudjet tashkilotini rivojlantirish jamg’armasi hisob raqamiga o’tkazib beradi.

V. TARAFLARNING JAVOBGARLIGI

5.1. **“Suv yetkazib beruvchi”** shartnomada ko’rsatilgan texnik suvni yetkazib bergandan so’ng, **“Suv iste’molchisi”** har oy davomida yetkazib berilgan texnik suv uchun to’lovlarni keyingi oyning 5-sanasiga qadar o’z vaqtida to’lamaganlik uchun **“Suv iste’molchisi”**, o’tkazib yuborilgan har bir kun uchun kechiktirilgan to’lov summasining 0,4 foizi miqdorida, ammo kechiktirilgan to’lov summasining 50 foizidan ortiq bo’lmagan miqdorida penya to’laydi.

Shuningdek, taraflar tomonidan ushbu shartnoma majburiyatlari bajarilmagan taqdirda, ularga nisbatan O’zbekiston Respublikasi “Xo’jalik yurituvchi subyektlar faoliyatining shartnomaviy-huquqiy bazasi to’g’risida”gi Qonuni, Vazirlar Mahkamasining 2013-yil 19-martdagi 82-sonli qarori bilan tasdiqlangan “O’zbekiston Respublikasida suvdan foydalanish va suv iste’moli tartibi to’g’risidagi nizom” hamda boshqa qonunchilik hujjatlariga asosan javobgarlik choralari qo’llaniladi.

VI. NIZOLARNI HAL ETISH TARTIBI

6.1. Ushbu shartnomani tuzish, bajarish, o'zgartirish va bekor qilish vaqtida taraflar o'rtasida kelib chiqadigan nizolar, shuningdek, yetkazilgan zararni qoplash to'g'risidagi nizolar qonunchilik hujjatlari belgilangan tartibda tegishli iqtisodiy sudi tomonidan ko'rib chiqiladi.

VI. NIZOLARNI HAL ETISH TARTIBI

6.1. Ushbu shartnomani tuzish, bajarish, o'zgartirish va bekor qilish vaqtida taraflar o'rtasida kelib chiqadigan nizolar, shuningdek, yetkazilgan zararni qoplash to'g'risidagi nizolar qonunchilik hujjatlari belgilangan tartibda tegishli iqtisodiy sudi tomonidan ko'rib chiqiladi.

VII. FORS-MAJOR

7.1. Taraflardan biri shartnomani fors-major holatlar, ya'ni yengib bo'lmaydigan kuch (favqulodda va muayyan sharoitlarda oldini olib bo'lmaydigan vaziyatlar (zilzila, qurg'oqchilik, suv toshqini, yong'in, sel, do'l, jala va boshqa tabiiy ofatlar) tufayli bajarmagan yoki lozim darajada bajarmaganligini isbotlasa, javobgar bo'lmaydi.

7.2. Ushbu shartnoma shartlarini bajarishga to'sqinlik qiluvchi fors-major holatlarining boshlanishi va tugashi to'g'risida taraflar zudlik bilan bir-birlarini yozma ravishda xabardor qilishlari shart.

7.3. Agar fors-major holati shartlarini bajarishga uch oydan ko'p muddat talab qilsa, tomonlarning har biri shartnomani bekor qilish huquqiga ega.

VIII. YAKUNIY QOIDALAR

8.1. Ushbu shartnoma taraflar tomonidan imzolaniib, tegishli suv xo'jaligi ekspluatatsiya tashkiloti tomonidan ro'yxatdan o'tkazilgandan so'ng kuchga kiradi hamda Shartnomani amal qilish muddati tugaydigan kun gacha amal qiladi.

8.2. Shartnoma bir xil yuridik kuchga ega bo'lgan 3 nusxada tuziladi hamda ilovalari shartnomaning ajralmas qismi hisoblanadi.

8.3. Mazkur shartnomaga tegishli o'zgartirish kiritish yoki bekor qilish taraflar o'rtasida tuziladigan qo'shimcha kelishuv asosida amalga oshiriladi. Shartnomani bir tomonlama bekor qilishga yo'l qo'yilmaydi.

IX. TARAFLARNING REKVIZITLARI

“Suv yetkazib beruvchi” taraf (tashkilot)
nomi
Manzil: “Suv yetkazib beruvchi” tarafning
manzili
Bank “Suv yetkazib beruvchi” tarafning
hisob raqami joylashgan bank nomi
**H/R: “Suv yetkazib beruvchi” tarafning
hisob raqami**
STIR: “Suv yetkazib beruvchi” tarafning
STIR raqami
Telefon: “Suv yetkazib beruvchi” tarafning
telefon raqami
“Suv yetkazib beruvchi” taraf nomidan ish
olib boruvchi shaxsning lavozimi va F.I.O.si

“Suv iste'molchi” taraf (tashkilot)ning nomi
Manzil: “Suv iste'molchi” taraf manzili
Bank: “Suv iste'molchi” tarafning hisob raqami
joylashgan bank nomi
H/R: “Suv iste'molchi” tarafning hisob raqami
STIR: “Suv iste'molchi” tarafning STIR raqami
Telefon: “Suv iste'molchi” tarafning telefon
raqami
“Suv iste'molchi” taraf nomidan ish olib boruvchi
shaxsning lavozimi va F.I.O.si

Shartnoma ro'yxatdan o'tkazilgan boshqarma nomi boshqarmasi tomonidan Shartnoma ro'yxatdan o'tkazilgan sana kuni Shartnoma ro'yxatdan o'tkazilgan raqam-son raqami bilan ro'yxatdan o'tkazildi.

Shartnoma ro'yxatdan o'tkazilgan boshqarma nomi boshqarmasi boshlig'ining suv masalalari bo'yicha o'rinbosari

Suv masalalari bo'yicha
o'rinbosarning F.I.Osi
